

**Presiden Kazakhstan Akhiri Lawatan Ke Malaysia  
Bernama  
19 April , 2012**

SEPANG, 19 April (Bernama) -- Presiden Kazakhstan Nursultan Nazarbayev berlepas pulang ke Kazakhstan hari ini selepas mengadakan lawatan negara dua hari ke Malaysia sejak Selasa.

Turut berada di Kompleks Bunga Raya, Lapangan Terbang Antarabangsa Kuala Lumpur bagi mengucapkan selamat jalan kepada beliau ialah Menteri Luar Datuk Seri Anifah Aman.

Ini adalah lawatan ketiga Nazarbayev ke Malaysia dalam tempoh 16 tahun, yang mencerminkan hubungan erat antara Malaysia dan Kazakhstan. Dua lawatan terdahulu adalah pada 1996 dan 2006.

Pada lawatan kali ini, Nazarbayev diiringi delegasi yang terdiri daripada menteri dan juga pegawai kanan kerajaan.

Semalam Nazarbayev dan Perdana Menteri Datuk Seri Najib Tun Razak mengadakan mesyuarat delegasi antara Kazakhstan dan Malaysia, selain kedua-dua negara turut menandatangani memorandum persefahaman dalam bidang pendidikan, sumber mineral dan pelancongan.

---BERNAMA

Hakcipta © 2012 BERNAMA

Source:<http://www.bernama.com/bernama/v6/bm/newsindex.php?id=660213>